



**Jān Būreejtōn
Henry B. Eyring**
Rikakpilōklōk eo Kein Kajuōn
ilo Būreejtōnji eo Kein Kajuōn

Bok in Mormon āinwōt juōn Ad Make Kein Tōl

Aolepād wōj jej eñjake, ilo iien ko ad remṃan tata, juōn kōṇaan ṇan jepṭaak ṇan m̄weo ṇan jokwe ippān Anij. Eaar letok ṇan kōj menin letok eo an Nejin Jitenbōro āinwōt ad Rilōmṃor ṇan ṇaḷōmen ial eo im ṇan katakin kōj wāween ḷoore. Eaar letok ṇan kōj Rikanaan ro ṇan jitōnḷok ial eo. Rikanaan Joseph Smith kar im̄we ṇan ukōte ḷook eo an rikanaan ro eo ej Bok in Mormon. Ej ad tōl em̄ool ilo ial eo ḷok ṇan m̄weo ṇan ippān Anij.

Joseph Smith eaar ba kōn em̄ṃan eo an bok eo, “Iaar jiroñ em̄ṃaan ro jeiū im jatū bwe Bok in Mormon eaar bok eo ejim̄we tata iaan bok ko ioon laḷ in, im pedped eo ad ilo kabuñ eo, im juōn armej emaroñ epaakeḷok ṇan Anij jān an to an pād kōn kien makūkūt ko e, jen jabdewōt bok ko jet.”¹

Makūkūt ko loori an Bok in Mormon rej kien ko an Anij im jej loe e. Jet rej kien ko kaju jen Rilōmṃor eo ṇan Rikanaan ro An āinwōt ṇan ta ko jej kōm̄ṃani im ta eo ṇan erom. Bok in Mormon eaar letok ṇan kōj waanjoñok ko an Rilōmṃor eo ṇan kōḷapḷok ad tōmak im kije ṇan pokake An kaiñ ṇan loor E. Bok eo eoprak kōn katak an Kraist ṇan tōl kōj. Ijin ej juōn waanjoñok jān 2 Nephi

“[Jisōs] eaar jiroñlok ajri ro nejin armej: Kom̄in Loor iō. Kōn menin, em̄ṃaan ro jeiū im jatū jitōnbōro, jema-roñ ke loor an Jisōs loor eo jenaaj m̄ōnōnō ṇan kōjp-
arok kien ko an Jemen?

“Im ej ba ṇan ro nejin armej Kom̄in loor Eō;Kom̄in ukweḷok, kom̄in ukweḷok, im baptaisilo etan ilo etan eo Neju Jitenbōro” (2 Nipai 31:10–11).

Bok eo eaar kōm̄ṃan kōn ejjelok men ko kobaiktok me jej aikuj in bōk Jetōb Kwojarjar āinwōt juōn kijeek ilo iien peptaij ṇan jipañ kōj pād wōt ioon ioon iaḷ eo edik im eaidik. Emōj katak in kōj aolep iien ṇan jar ilo etan Jisōs, jab jajelōkjen, im bwe eḷaññe jenaaj kōm̄ṃane, jej bōk kalim̄ur in: “Kōnke menin, kom̄ij aikuj buñ ṃaanḷok kōn dim ilo Kraist kōn juōn kōjatdikdik emeram, im juōn iakwe ṇan Anij im armej otemjelok. Kōn menin, ñe kom̄ naaj buñ ṃaanlok, kwojkwoj ioon naan an Kraist, im niknik ṇan jemḷokin, lo, āindein Jemān ej ba: Kom̄ naaj bōk mour indeeo” 2 Nipai 31:20).

Bok in Mormon eaar kōm̄ṃan kōn ejjelok men ko kobaiktok ilo katak ko remṃan an Kiiñ Benjamin kōn ta meḷeḷeik ṇan bōk juōn iakwe ṇan Anij im armej otemjelok. Eḷaññe mejatoto ko ad rar oktak jān kajoor an Pinmuur im kōn ad tōmak im pokake kien ko, jenaaj oprak kōn iakwe eo an Anij (lale Mosaia 4:1–12).

Bok in Mormon eaar barāinwōt letok ṇan kōj leke eo bwe jen maroñ oktak im lukkun erre eo ilo mour in bwe jen jab bar bōk elaplok kōṇaan ṇan kōm̄ṃani men ko renana (lale Mosaia 5:2). Kōjatdikdik in eaar letok ṇan peran im aenōm̄ṃan ilo an Setan kajjioñin kapo im jab kōperan kōj ilo iaḷ ko ad.

Kajjojo iien ij riiti jejo lain ilo Bok in Mormon, Ij eñ-
jaake an naan in kaṃool eo aō ej kajoorḷok bwe bok in
ej ṃool, bwe Jisōs ej Kraist, bwe jemaroñ ḷoore ḷok ñan
ṃweo, im bwe jemaroñ bōk ro jej iakwe er ñan ṃweo
ippād. Men in eaar ñan iō kōn bok eo ilubwilijin bok
ko. Ej naan eo an Anij.

Ij jar bwe kōj im aolep ro jej iakwe er naaj idaak ilo
ṃwilal im aolep raan jāne. Ij kaṃool ilo etan Jisōs Kraist
bwe ej juōn tōl eṃool.

KAKEEMEMEJ

1. *Katak ko an Būreejtōn ro an Kabuñin: Joseph Smith (2007), 64.*

KATAKIN JĀN ENNAAN IN

“**E**ḷañne jej kōjbal jeje ko rekwojarjar im naan
ko an rikanaan ro ilo raan kein āliktata āinwōt
jipañ ñan aolepen katak ko ad, jej karuwaineneik
Jetōb eo ñan kwaḷok ṃool. Menin e boktok ñan katak
ko ad kajoor eo an Anij ñan kwaḷok ṃool ñan armej
D&C 11:21” (*Teaching, No Greater Call* [1999], 51).
Kōlmenḷokjen ilo am riiti jān ennaan eo an Būreejtōn
Eyring, ekoba naan eo an Joseph Smith kōn Bok in
Mormon. Karuwaineneiktok ro uwaan baamḷe eo
ñan kwaḷok waween mour kōn katak ko ilo ilo Bok in
Mormon ilo an jipañ er epaakelok ñan Anij.

“Eḷañne rikatak ro rej kōnono kōn katak ko jān jeje
ko rekwojarjar, rej kōlaplok kapeel ko rej aikuji ñan iien
aer make katak kōn jeje ko rekwojarjar” (*Teaching, No
Greater Call* 54). Kōlmenḷokjen ilo am riiti jeje ko rek-
wojarjar ko rej iooklok wōt ennaan in im kapukōt ñan
im kōnono kake katak ko rej ekkatak kaki.

JODIKDIK

Aō Make Bok in Mormon

Jān Hillary Holbrook

Ilo kar Ọkwōj 2005, ke Būreejtōn Gordon B. Hinckley
(1910–2008) kwaḷok juōn jipadpad ñan ro uwaan Kabuñ
in ñan riiti Bok in Mormon mokta jen jemḷokkin iio eo, iaar
kalimṃur e ña make bwe inaa riiti aolepen bok eo. Iaar
imṃinene kōn bwebwenato ko ilo Bok in Mormon bōtaab
iaar jab riiti aolepen bok in. Kiiō ij kōjparok aō kalimṃur.

Emōj aō kar katak ñan bōk jeje ko rekwojarjar
ñan mour eo aō im kōṃṃan bwe ren aō make. Innām

āinwōt aō kar riit, iaar jeje ilo lain ko ilo peij eo ta eo
iaar ḷōmñak bwe ej unin kōnono eo an peij eo. Iaar
barāinwōt kōkkaleik naan in kurup in naan ko āḷiji ñan
kwalok kōlmenḷokjen ko raurōk.

Iaar likūt eta iturin āt ko ilo jeje ko rekwojarjar ñan
jipañ iō kemejmej bwe naan eo an Anij emōj kōnono
kake ñan ro jet ebarāinwōt maroñ naan eo kar kōnono
kake ñan iō. Ñan waanjoñok, ilo 2 Nipai 2:28 iaar jeiki
eta: “Im kiiō, ṃaan ro nejū, ikōṃaan bwe koṃin reilok
ñan Rijojomar ilo eḷap, im eḷroñ kien ko An rellap, im
tiljek ñan naan ko An.” Ilo an laplok aō kōṃṃan bwe
Bok in Mormon en aō, eaar laplok aō ṃōḷḷōḷḷō kōn aō
riiti aolep raan.

Āinwōt Aō riiti aolep raan, jar ko aō rar oktak im
uñur buruō im aō make make. Iaar barāinwōt maroñ
ñan kōlmenḷokjen kōn kilaaj ko aō im loor unoojdikdik
ko an Jetōb ñan ṃōtta ippān ro jet. Ilo Boñen eo ālik-
tata ilo iio eo, iaar kadedeiklok Bok in Mormon.

Innem iaar meḷeḷe aurōkin riiti aolepen Bok in
Mormon, ippānlok bar jet jeje ko rekwojarjar, im
kōṃaan bwe en laplok iien ko ilo mour eo aō.

AJRI

Juōn Tōl Ñan Jipañ Kōj Jepḷaak Ñan ṃweo

Ewi waween am eñjake eḷañne kwoj jōbwabwe im
jab jeḷa iaḷ eo lok ñan ṃweo ñan ippān baamḷe eo
am? Kwonaaj ke ṃōḷḷōḷḷō eḷañne komaroñ loor jet ro im
remaroñ kwaḷok ñan iok iaḷ eo? Būreejtōn Eyring eaar
ba bwe Bok in Mormon ej āinwōt juōn kilen tōl eo ej
jipañ kōj bar jepḷaaklok ñan ṃweo ippān Jemedwōjlañ.

Ijin ilaḷ rej jet iaan men ko Bok in Mormon ej jiroñ
kōj bwe jej aikuji kōṃṃani ñan jepḷaak ñan ṃweo. Riit
2 Nipai 31:10, 11, 20. Ilaḷ in kajjojo kurup in naan kein
ilaḷ, jeiki eoon eo ejimṃwe jān Bok in Mormon. Kwonaaj
aikuji ñan kōjerbale juōn iaan eoon ko ruo alen.

Ukweḷok im Peptaij.

Bōk kōjatdikdik emeram.

Iakwe Anij im aolep armej.

ḷoor Jisōs.

© 2010 jen Intellectual Reserve, Inc. Aolep jimṃwe rej pād ippān. Jeje ilo
Amedka. Kōmālim ilo kajin English: 6/09. Kōmālim ñan ukōte: 6/09. Ukook
eo an *First Presidency Message, September 2010*. Marshallese. 09369 874



Tōmak • Baamle • Doulul

Jerbal ko Ad n̄an Kajiririik Diktak in Epepen eo

Katak kōn kein jerbal in im, āinwōt an ekkar, kōnono kake ippān jejtōr ro kwoj lqlok. Kōjerbal kajjitōk ko n̄an jipañ iok kōkajoorok jejtōr ro am in n̄an kōm̄man bwe Doulul eo an Kōrā ro en m̄ōttan eo emourmour tata ilo mour eo am make.

Jān Jeje ko Rekwojarjar:

Jaban Kōnnan ko 22:6; Epesōs 6:4; Enos 1:1; Alma 53:20–21; 56:47; 57:27

Ilo ad jab kajiririiki, diktak in epepen eo ad emaroñ in pād ilo kauwōtata ilo an oktak im āinwōt juōn eo kōnono kake ilo Mosaia 26. Elōñ jodikdik rejjab tōmak manit ko an ro jemeer im rej oktak im erom armej ro rejeno-lok āinwōt n̄an aer tōmak, innem pad wōt ilo waween n̄an indeeo. Diktak in Epepen eo Ad emaroñ ettolok kilen tōl e eļañne rejjab meļeļe kōn m̄ōttan ko aer ilo karōk eo an Jemed ilañ.

Innām ta eo enaaj kōjparok aenōm̄man eo an diktak in epepen eo? Ilo kabuñ eo jej kataka kilen kōjparok katak ko, im katak ko rej katak ko an baamle, im katak ko renaaj jipañ diktak in epepen eo n̄an ejaak n̄an erom juōn baamle, katak in bwe baamle, pojak ko aer n̄an kaiñ im bujen ko—innem diktak in epepen eo tok juōn enaaj katak eo tok juōn im enaaj āindein maanlok.

Āinwōt ro jinen im jemen, ritōl ro, im ro uwaan Kabuñ, jej

kōpooj epepein n̄an kōjeram̄man ko an Ebreame, n̄an tampeļ. Ewōr ad eddo n̄an lukkun alikkar unin kōnono ko an katak eo loe ilo naan in keañ eo an baamle eo. Mama im baba rej jerbal im eddo ko n̄an indeeo. Kajjojo iaad jej bōk eddo eo n̄an juōn em̄maan ak juōn kōrā ilo jim̄ōttan in karōk eo.

Jemaroñ ekkatak kōn katak in ilo jabdewōt waween kōllaajrak. Jej aikuj kōnono ilo ad kautiej mour in pālele im baamle. Im jān waanjoñok ko ad, diktak in epepen eo emaroñ kōn eļap kōjatdikdik im meļeļe—jab jān naan ko jej kōnono kaki ak jān waween eo jej eñjake im kadiwōjlok jetōb eo an baamle.

Julie B. Beck, Būreejtōn eo eļap ilo Doulul eo an Kōrā.

Jān Ad Bwebwenato

Atōreej e Jejtōr eo ilo kweiļok eo eļap an Doulul eo an Kōrā eo ilo Jeptōmba 23, 1995, Būreejtōn Gordon B.Hinckley eaar ba: “Laļ eo jej Pād e ej juōn laļ eoprak kōn apilōñloñ, men ko raurōk rej oktak n̄an elōñ kain waween ko. Ainikien

buromōj ej ikkūr lok n̄an bar juōn men ak eo juōn ej pād ilo iien mon kamineneiki m̄wil ko.”¹ Innem Būreejtōn Hinckley eaar ilok n̄an an kwaļok kadkadin n̄an jejtōr eo, Kabuñ eo, eļap tata armej ro ijoko jabdewōt “Baamle Eo: Juōn Naan in Keañ n̄an Laļ.”

Ālikin elōñ iio ko pepa in kanaan in emōj kar ukōte ilo elōñ kajin ko im lelok n̄an ritōl ro an laļ in. Ej kajjitōk ippān jitijen ro im ritōl ro an kein “n̄an kōm̄mane joñan jerbal ko emōj aer dedelok n̄an dāpij im kōkajoorlok baamle āinwōt doulul eo eaurōk tata ilo jukjuk in pād.”²

Naan in keañ eo eaar erom pedped eo n̄an Armej ro Rekwojarjar ilo Raan Kein Āliktata kōn baamle, juōn ennaan eo me jemaroñ dāpij im jeļā kake jān ad mour kōn kien makūtkūt ko ie, jej kōkajoorlok baamle ko ad im m̄oko ko.

KAKEEMEMEJ KO

1. Gordon B. Hinckley, “Stand Strong against the Wiles of the World,” *Ensign*, Nob. 1995, 99.
2. Lale “Baamle eo: Juōn Naan in Keañ n̄an Laļin,” *Liona*, Oktoba.2004, 49.

Ta imaroñ kōmḡane?

1. Ewi waween aō maroñ jipañ jejtōr ro kōjērbal “Baamḡle Eo: Juōn Naan in Keañ nān Laḡ in” nān Kaajiririki Diktak in Ebeben eo? Komaroñ kōḡmenḡokjen nān am leto letak juōn kape in keañ eo im jipañ jejtōr ro am kilelok im kōkkaleik peij ko bwe remaroñ kii ko remḡan tata nān ekkatak kōn katak ko.

2. Ewi Wāween Aō Maroñ Kaajiriri Diktak in Ebeben eo? Komaroñ kōḡmenlokjen nān am tōpar ro uwaan ward, eo, branch eo, baamḡle eo, ak jukjuk in pād, eo emaroñ bōk kōjeramḡan jān am ememlokjen im iakwe.

Nān meḡeḡe ko rellalok, etal nān
www.reliefsociety.lds.org